

Universitätsbibliothek Paderborn

Historiae Ecclesiasticae Pars ...

HISTORIAE EC||CLESIASTICAE PARS || PRIMA, QVA CONTI-||NENTVR ||
Eusebij cognomento Pamphili Cæsareæ Palæ-||stinæ Episcopi lib. 10.||
Eiusdem de vita Constantini magni lib. 4.|| Oratio Constantini magni ad
sanctoru[m] cœtu[m].|| Oratio eiusdem Eusebij in laudem Constanti-||ni
magni ad trigesimum ...

Christopherson, John

[Köln], 1569

Testimonia de Ioanne Baptista & Christo. Capvt XI.

urn:nbn:de:hbz:466:1-29861

EUSEBII HISTORIAE

adnotauimus, nulla ex parte dissidere satis liquidò constat. Huc adde quod seruator & Dominus noster Iesus Christus, non longe post exorsum prædicationis suæ, duodecim Apostolos ad se asciuit, quos solos inter reliquos suos discipulos propter eximiam & singularē quamdam honoris amplitudinem Apostolos nuncupauit. Et iterum alios septuaginta designauit, quos binos & binos ante faciem suam in omnem locum & ciuitatem, quo ille esset venturus dimisit.

BIG. 10.

Testimonia de Ioanne Baptista & Christo.

CAPVT XI.

ITem Ioannis Baptiste (cuius caput haud diu post Herodes Iunior ceruicibus abscidit) sacroſancta Euangeliorum monumenta etiam mentionem faciunt. Accedit etiam Iosephus locuples testis, qui non modò nominat etiam Herodiadis meminit, verum etiā ostendit quo parato eam Herodes, cum fratri vxor esset, priore sua & legitima coniuge repudiata, in matrimonium duxerit. Illa autem prior filia fuit Aretæ, regis Arabiæ petræ. Hanc Herodiadem dico viro suo adhuc superstiti admittit: cuius causa etiam obtruncauit Ioannem. Ac cum filiam Aretæ dedecore & ignominia affecisset, bellū etiam contra eundem suscepit. In quo quidem, cum ad manus ventum esset, & grauiter configi cœptum, omnem Herodis exercitum prostratum concidisse: atque Herodē ob insidias, quibus ex occulto Ioannem ē medio sustulerat, in istas vniuersas calamitates incurrisse declarat. Quin etiam idem auctor Ioannem Baptistam inter eos, qui iustitiae & probitatis causa summum fuissent honorem consecuti, facile primas obtinuisse fatetur, atque adeo cum his, quæ de illo in sacroſanctis euāgelijs tradita sunt, magnopere consentit. Narrat præterea Herodem propter ipsam Herodiadem regno excidisse: qua cum etiam eundem in exilium eiectum, hocq; multatum supplicio, Vienam ciuitatem Galliæ deinceps incoluisse.

Atque ista ab illo in decimo octavo antiquitatis libro traduntur, Vbi item hæc quæ sequuntur, de Ioāne ad verbum conscribit. Nonnullis ex Iudæis opinio fuit Herodis

dis exercitum tam perdite profligatum peremptumque
esse diuina vltione, propter pœnam Ioanni (qui appella-
batur Baptista) inflictam, meritissimo de illo supplicium
sumente. Herodes enim hunc neci dabat, qui & vir bo-
nus fuit, & Iudæos hortatus est, vt tum virtutem exco-
lerent, tum ea vitæ officia, quæ sunt iustitiæ erga se mu-
tuò, & pietatis erga Deum sedulò obeūtes, ad baptismum
recipiendum accederent. Sic namque lauacrum baptis-
matis Deo acceptum videri, cum eo non ad ullas pecca-
torum fortes eluendas (quippè anima iustitiæ adiumento
antea penitus erat omni vitiorum labe purgata) sed ad
corporis munditiam vterentur. Atque ubi non pauci ad
eum confluenter (permagnam enim ex eius sermone au-
diendo cæpere voluptatem) Herodes non nihil veritus,
ne illius persuasio eò procederet, vt homines inde ad de-
fectionem impellerentur (omnia enim videbantur de cō-
filio Ioannis facturi) multo satius putabat eū ante morte
occupare, quam vel aliquid noui ab illo ederetur, vel fa-
cta rerum mutatione, in calamitates delapsus, sero sapere
perdisceret. Hic igitur propter istam suspicionem He-
rodis animo īiectam vinculis constrictus, & in arcem
Macheruntē, quam supra memorauimus, deductus, istud
prætereà supplicij genus perpessus est. Quæ quidem cum
de Ioanne exposuerit Iosephus, etiā seruatoris nostri in
eadem historia his verbis mentionem facit. Erat eodem
tempore Iesus quidam, vir sapiens (si virum illum dicere
fas sit) operum planè admirabilium effector, hominumq;
qui libentibus animis veritatem amplecti vellent, magi-
ster ac doctor. Qui vt Iudæos permultos, ita Græcos
non pauciores ad fidei suæ professionem traduxit; isteq;
erat Christus. Ac cum Pilatus primorum hominum de-
latione hunc apud nos crucis suppicio addixisset, hi qui
eum primo dilexerunt, non aliquādo amorem erga illum
depositur. Idcirco, illis tertio die, vita resumpta, de-
nuò apparuit, secundum oracula diuinorum propheta-
rum, qui non ista solum, sed alia infinita, quæ sunt valde
admiranda, de eo prædixerant. Quin ad hanc nostrā æta-
tem genus illud hominum (qui ab illo nomen ducentes,
Christiani appellati sunt) continuatum, permanxit. Quare

Cap. 4.

C

cum

EVSEBII HISTORIAE

Cum Iosephus scriptor antiqua Hebræorum stirpe prognatus, ista de Ioanne Baptista, & seruatori nostri historiæ suæ monumentis complexus sit, quod quæso effugium reliquum est illis, qui falsos commentarios contra istos confinxerunt, quò minus tanquam impudentes per spicuè coarguantur. Sed hæc haec tenus.

De Seruatoris nostri discipulis.

CAP. XII.

NOmen verò cuiusq; apostoli seruatoris satis ex euā geliorum testimonijs cuiq; planum fit: verum nullus septuaginta discipulorum catalogus vspiā refertur.

Dicitur tamen Barnabas vnum ex illis fuisse, cuius tum in libro, qui acta apostolorum inscribitur, persæpè mentio fit, tum à Paulo præterea in epistola scripta ad Galatas.

Gal. 2. Ex quorum numero Sothenem etiam fuisse ferunt, qui cum Paulo epistolam ad Corinthios scriptam misit. Sic namque scribitur apud Clementem in quinto libro

πτοτυπώσεων: in quo etiam Cepham nominat, de quo item Paulus sic loquitur: quando venit Cephas Antiochiam, illi in faciem restiti, quia reprehensus erat. vnum ait ex septuaginta discipulis Petri apostoli gentilem extitisse. Matthiam porro, qui erat pro Iuda proditore in numerū apostolorum ascriptus, & illum, qui pari suffragio ad apostolatum petendum dignus putabatur, vnu ex septuaginta discipulis appellatum, constans fama est.

Num. 1. Quinetiam Thaddæum, qui ex mandato Iesu seruatoris ad Abgarum curandum missus est, vnum ex illis fuisse prædicant. De quo quidem historiam, quæ ad nos peruenierit, non multò post exponam. Atque si placet obseruatione notare, plures quam septuaginta discipulos seruatoris nostri extitisse, facile repries, etiam vel Pauli solū vñus testimonio: qui affirmat illum, postquam à mortuis resurrexisset, apparuisse, primum Cephæ, deinde duodecim, postea plusquam quingentis fratribus simul.

1. Cor. 15. Ex quibus nonnullos mortem obiisse, plures adhuc in vita, quo tempore ista contexuit, mansisse afferit, Deinceps vñus esse Iacobo. Hunc autem non modo vnum ex his, qui in discipulorum numero habebantur, verum

etiam